

四庫全書

集部

欽定四庫全書

集部

御定全唐詩卷五百五十五至
七

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣曹錫齡

欽定四庫全書

御定全唐詩卷五百五十五

馬戴

馬戴字虞臣會昌四年進士第宣宗大中初太原李司空辟掌書記以正言被斥為龍陽尉懿宗咸通末佐大
同軍幕終太學博士詩集一卷今編二卷

按獵曲

第十句
缺二字

楚子畋郊野布罟籠天涯浮雲張作羅萬草結成罝意

在絕飛鳥臂弓腰鎖鄒遠將射句踐次欲誅夫差壯志
一朝盡他
繁華當時能獵賢保國兼保家

蠻家

領得賣珠錢還歸銅柱邊看兒調小象打鼓放新船醉
後眠神樹耕時語瘴煙又逢衰蹇老相問莫知年

春思

初日照楊柳玉樓含翠陰啼春獨鳥思望遠佳人心幽
怨貯瑤瑟韶光凝碧林所思曾不見芳草意空深

送從叔

一作弟

赴南海幕

洞庭秋色起哀狄更難聞身往海邊郡帆懸天際雲炎

州羅翠鳥瘴嶺控蠻軍信

一作消

息來非易堪悲北路分

江行留別

吳楚半秋色渡江逢葦花雲侵帆影盡

一作落

風逼鴈

一作

鳥行斜返

一作夕

照開嵐

一作峯

翠寒潮蕩

一作漾

浦沙余將

何所往海

一作孤

嶠擬

一作欲

營家

將別寄友人

帝鄉歸未得辛苦事羈遊別館一尊酒客程千里秋霜
風紅葉寺夜雨白蘋洲長恐此時淚不禁和恨流

客行

路歧長不盡客恨杳難通蘆荻晚汀雨柳花南浦風亂
鐘嘶馬一作鳴鳥急殘日半帆紅却羨漁樵侶閒歌落照一作

谷谿
中

過野叟居

野人閒種樹樹老野人前居止白雲內漁樵滄海邊呼

兒採山藥放犢飲溪泉自著養生論無煩憂暮年

答光州王使君

信一作昨來淮上郡楚岫入秦雲自顧為儒者何由答使

君蛭風蟬半一作乍失阻雨鴈頻聞欲識平生分他時別

紀勳

下第再過崔邵池陽居

豈無故鄉路路遠未成歸關內相知少海邊來信稀離
雲空石穴芳草偃郊扉謝子一留宿此心聊息機

夕次淮口

天涯秋光盡木末羣鳥還夜久遊子息月明岐路閒風
生淮水上帆落楚雲間此意竟誰見行行非一作悲故關

落日悵望

孤雲與歸鳥千里片時間念我一何滯辭家久未還微
陽下喬木遠色隱秋山臨水不敢照恐驚平昔顏

早發故山作

雲門夾峭石石路蔭長松谷響猿相應山深水復重餐

霞人不見

一作已往

採藥客猶逢獨宿靈潭側時聞岳頂鐘

下第別部扶

一作大一作秩

窮途別故人京洛泣風塵在世即應老他鄉又欲春平

生空志學晚歲

一作節

拙謀身靜話歸休計唯將海上一作

滄海親

寄終南真空禪師

閒想白雲外了然清淨僧松門山半寺夜雨佛前燈此

境可長住

一作往

浮生自不能一從林下別瀑布幾成冰

長安寓居寄贈賈島

一作長安
贈賈島

歲暮見華髮平生志半空孤雲不我棄歸隱與誰同枉

道

一作
羨

紫宸謁妨裁丹桂叢何如隨野鹿棲止石嵒

一作

林在
中

秋郊夕望

度鳥向棲急陰蟲逢夜多餘霞媚秋漢迴月濯滄波蔓
草將萎絕流年其奈何耿然搖落思獨酌不成歌

贈越客

故國波濤隔明時已久留獻書雙闕晚看月五陵秋南
棹何時返長江憶共遊遙知釣船畔相望在汀洲

送顧非熊下第歸江南

無成西別秦返駕江南春草際楚田鴈舟中吳苑人殘
雲挂絕島迴樹入通津想到長洲日門前多白蘋

汧上勸

一作款

舊友

斗酒故人同長歌起北風斜陽

一作日斜

高壘閉秋角暮山

空鴈叫

一作宿

寒流上瑩飛薄

一作淡

霧中坐來生

一作憂

白

髮况復久從戎

送狄參軍赴杭州

新官非次受聖主寵前勲關雪發車晚風濤挂席聞海
門山疊翠湖岸郡藏雲執簡從公後髯參豈勝君

過故人所遷新居

金馬詔何晚茂陵居近修客來雲雨散鳥下梧桐秋迴
漢銜天闕遙泉響御溝坐看涼月上為子一淹留

落照

一作耿
津詩

照曜天山外飛鴉幾共過微紅拂秋漢片白透長波影
促寒汀薄光殘古木多金霞與雲氣散漫復相和

宿崔邵池陽別墅

楊柳色已改

一作故

郊原日復低煙生寒渚上

一作樹上

霞散

亂山西

一作霧薄亂流西

待月人相對驚風鴈不齊此心君莫

問舊國去將迷

楚江懷古三首

露氣寒光集微陽下楚丘猿啼洞庭樹人在木蘭舟廣

澤生明月蒼山

一作
葭

夾亂流雲中君不降

一作
見

竟夕自

悲秋

驚鳥去無際寒蛩鳴我傍
蘆洲生早霧蘭隰下微霜
列宿分窮野空流注大荒
看山候明月聊自整雲裝

野風吹蕙帶驟雨滴蘭橈
屈宋魂冥冥江山思寂寥
陰霓侵晚一作
反景海樹入迴潮
欲折寒芳薦明神詎可招

遠水

蕩漾空沙際虛明入遠天
秋光照不極鳥影去無邊
勢

引長雲斷波輕一作凝片雪連汀洲
杳難到萬古覆蒼煙

夕發邠寧寄從弟

一作寄舒從事

半

一作飲

酣走馬別

一作白馬

別後鎖邊城日落月未上
烏棲

人獨行方馳故國戀復愴
長年情入一作久夜不能息何

當閒此生

贈別北客

一本無別字

君生遊俠地感激氣何高
飲盡玉壺酒贈留金錯刀
鴈關飛霰雪鯨海落雲濤
決去如征鳥離心空自勞

夜下

一作入

湘中

洞庭人夜別

一作到

孤鳴一作鳴

棹下湘中露洗寒山遍波搖

楚月空密林飛暗狄廣澤發鳴鴻行值

一作抵

揚帆者江

分又不同

送呂郎中牧東海郡

假道經淮泗檣烏集隼蕪城沙葦接波島石林疎海

鶴空

一作公

庭下夷人遠岸居山鄉足

一作召

遺老佇聽薦

賢書

山行偶作

綠危

一作巴

路忽窮投宿值樵翁鳥下山含暝

一作影

蟬鳴

露滴空石門斜月入雲竇暗泉通寂寞生幽思心疑舊

隱同

巴江夜猿

日飲巴江水還啼巴岸邊秋聲巫峽斷夜影楚雲連露

滴青楓樹山空明月天誰知泊船

一作帆

者聽此不能眠

送田使君牧蔡州

主意思政

一作共

理牧人官不輕樹多淮右地山遠汝南

城望稼周

一作殷

田隔登樓楚月生懸知蔣亭下渚鶴伴

閒行

雀臺怨

魏宮歌舞地蝶戲鳥還鳴玉座人難到

一作倒

銅臺雨滴

平西陵樹不見漳浦草空生萬恨盡埋此徒懸千載名

早發故園

語論

一作

別在中夜登車離故鄉曙鐘寒出岳

一作寺

殘月

迴凝霜風柳條多折沙雲氣盡黃行逢海西鴈零落不成行

贈別江客

湘中有岑穴君去挂帆過露細蒹葭廣潮迴島嶼多汀洲延夕照楓葉墜寒波應使同漁者生涯許釣歌

宿翠微寺

處處松陰

一作生

滿樵開一逕通鳥歸雲壑

一作霜磬

靜僧語

石樓

一作橋

空積翠舍微月遙泉韻細風經行心不厭憶

在故山中

霽後寄白閣僧

蒼翠霾高雪西峯鳥外看久披山衲壞孤坐石牀寒
盥手水泉滴燃燈夜燒殘終期老雲嶠煮藥伴中餐

送僧歸金山寺

金陵山

江一作

色裏蟬急向秋分迴寺橫洲島歸僧渡水

雲夕陽依岸盡

一作落

清磬隔潮聞遙想禪林下鑪香帶

一作對月焚

新秋雨霽宿王處士東郊

夕陽逢一雨夜木洗清陰露氣竹窗靜秋光雲

一作月

一作色

深煎嘗靈藥

一作草

味話及

一作友

故山心得意兩不

寐微風生玉琴

關山曲二首

金甲耀兜鍪黃金

一作雲

拂紫騮叛羌旗下戮陷壁夜中

收霜霰戎衣月關河磧氣秋箭瘡殊未合更遣擊蘭州
火發龍山北中宵易左賢勒兵臨漢水驚鴈散胡天木

落防河急軍孤受敵偏猶聞漢皇怒按劍待開邊

塞下曲二首

旌旗倒北風霜霰逐南鴻夜救龍城急朝焚虎帳空骨

銷金鏃在鬢改玉關中却想義軒氏

一作代
又作世

無人尚

一作
說

戰功

廣漠雲凝慘日斜飛霰生燒山搜猛獸伏道擊迴兵風

折旗竿曲沙埋樹杪

一作
塞路

平黃雲飛旦夕

一作雲飛
日一夕

偏

奏苦寒聲

廣陵曲

葱蘢桂樹枝高繫黃金
羈葉隱青蛾翠花飄白玉墀
上鳴間關鳥下醉遊俠兒
煬帝國已破此中都不知

送人遊蜀

別離楊柳陌迢遞蜀門行
若聽清猿後應多白髮生
虹霓侵棧道風雨一作雜
江聲過盡愁人處煙花是錦城

宿無可上人房

一作宿翠微寺

稀逢息心侶細話遠

一作故

山期河

一作雲

漢秋深

一作生

夜

杉梧露滴時風傳林磬響

一作久

月掩

一作螢掠

草堂遲坐卧

禪心在浮生皆不知

旅次夏州

嘶馬發相續行次夏王臺鎖郡雲陰暮鳴笳燒色來霜
繁邊上宿鬢改磧中迴悵望胡沙曉驚蓬朔吹催

同莊秀才宿鎮星觀

的的星河落霑苔復灑松濕光微泛草石翠澹搖峰野
觀雲和月秋城漏間鐘知君親此境九陌少相逢

鶴雀樓晴望

堯女樓西望人懷太古時海波

一作帆

通禹鑿

一作穴

山木

閉虞祠烏道殘虹挂龍潭返照移行雲如可馭萬里赴
心期

贈淮南將

何事淮南將功高業未成風濤辭海郡雷雨鎮山營度
磧黃雲起防秋白髮生密機曾制敵憂國更論兵塞色
侵旗動寒光鎖甲明白憐心有作獨立望專征

寄賈島

海上不同來關中俱久住尋思別山日老盡經行樹志
業人未聞時光鳥空度風悲漢苑秋雨滴秦城暮佩玉
與鏘金非親亦非故朱顏枉自毀明代空相遇歲晏各
能歸心知舊岐路

湘川弔舜

伊予生好古弔舜蒼梧間白日坐將沒遊波凝不還九
疑雲動影曠野竹成斑鴈集蒹葭渚猿啼霧露山南風

吹早恨瑤瑟怨長閒玄化誰能問天門恨久關

送僧歸閩中舊寺

寺隔海山遙帆前落葉飄斷猿通楚塞鷺鷺出蘭橈星
月浮波島煙蘿渡石橋鐘聲催野飯秋色落寒潮舊社
人多老閒房樹半凋空林容病士

一作歲晚待相招者

寄遠

坐想親愛遠行嗟天地闊積疹甘毀顏沈憂更銷骨迢
迢遊子心望望歸雲沒喬木非故里高樓共明月夜深

秋風多聞鴈來天末

經咸陽北原

秦山曾共轉秦雲自舒卷古來爭雄圖到此多不返野
狄穴孤墳農人耕廢苑川長波又逝日與歲俱晚夜入
咸陽中悲吞不能飯

冬日寄洛中楊少尹

黃河岸柳衰城下度流澌年長從公懶天寒入府遲家
山望一作登幾遍魏闕赴何時懷古心誰識應多謁舜祠

浙江夜宿

落帆人更起露草滿汀洲
遠狄啼荒嶠孤螢溺漫流
積陰開片月爽氣集高秋
去去胡為戀寧芳時一遊

寄西岳白石僧

挂錫中峯上經行踏石梯
雲房出定後岳月在池西
峭壁殘霞照欹松積雪齊
年年著山屐曾得到招提

同州冬日陪吳常侍閒宴

中天白雲散集客郡齋時
陶性聊飛爵看山忽罷碁
雪

花凝始散木葉脫無遺靜理

一作裏

良多暇招邀愜所思

答廊時友人同宿見示

為客自堪悲風塵日滿衣承明無計入舊隱但懷歸雪
積孤城暗燈殘曉角微相逢喜同宿此地故人稀

題僧禪院

一作題興善寺英律師院

虛室焚

一作燃

香久禪

一作看

心悟幾生瀘泉侵月起掃逕

避蟲行樹隔前朝在苔滋廢渚平
我來風雨夜像設

一作

照一燈明

懷故山寄賈島

心偶羨明代學詩觀國風自從來闕下未勝在山中丹
桂日應老白雲居久空誰能謝時去聊與此生同

灞上秋居

灞原風雨定晚見鴈行頻落葉他鄉樹寒燈獨夜人空
園白露滴孤壁野僧隣寄臥郊扉久何門致此身

寄崇德里居作

掃君園林地澤

一作

我清涼襟高鳥雲路晚孤蟬楊柳

深風微漢宮漏月迴秦城砧光景坐如此徒懷經濟心

河梁別

河梁送別者行哭半非親此路

一作地

足征客胡天多殺

人金罍照離思

一作席

寶瑟凝殘

一作青

春早晚期相見垂

楊凋復新

一本無末二句

留別定襄盧軍事

行行與君別路在鴈門西秋色見邊草軍聲聞戍聲酣

歌

一作街杯

擊寶劍躍馬上金

一作荒

堤歸去咸陽里平生志

不迷

送杜秀才東遊

羈遊年復長去日值秋殘
草出函關白雲藏野渡寒
鴻多霜雪重山廣道途難
心事何人識斗牛應數看

懷黃頗

有客南浮去平生與我同
炎州結遙思芳杜採應空
秦鴈歸侵月湘猿戲裏楓
期君翼明代未可戀山中

隴上獨望

斜日挂邊樹蕭蕭獨望間
陰雲藏漢壘飛火照胡山
隴首行人絕河源夕鳥還
誰為立勳者可惜寶刀閒

長安書懷

岐路今如此還堪慟哭頻
關中成久客海上老諸親
谷口田應廢鄉山草又春
年年銷壯志空作獻書人

邯鄲驛樓作

蕪沒叢臺久清漳廢御溝
蟬鳴河外樹人在驛西樓
雲燒天中赤山當日落
秋近郊經戰後處處骨成丘

別家後次飛狐西即事

遠歸從此別親愛
失天涯去國頻
迴首方秋不在家
鳴蛩聞塞路冷鴈背
龍沙西次桑乾曲
洲中見荻花

題青龍寺鏡公房

一室意何有
閒門為我開
爐香寒自滅
履雪飯初迴
窗迴孤山入
燈殘片月來
禪心方此地
不必訪天台

御定全唐詩卷五百五十五

欽定四庫全書

御定全唐詩卷五百五十六

馬戴

邊城獨望

聊憑一作平

危堞望倍

一作暗

起異鄉情霜落蒹葭白

一作寒迥關防絕

山

昏霧露生河灘胡鴈下戎壘漢輦驚獨樹殘秋色狂歌淚滿纓

江亭贈別

長亭晚送君秋色渡江瀆衰柳風難定寒濤雪不分猿

聲離楚峽帆影入湘雲獨泛扁舟夜山鐘可卧聞

旅次寄賈島兼簡無可上人

相思邊草長迴望水連空鴈過當行次蟬鳴復客中壯
年看即改羸病計多同儻宿林中寺深憑問遠公

寄剡中友人

故人今在剡秋草意如何嶺暮雲霞雜潮迴島嶼多沃
洲僧幾訪天姥客誰過歲晚偏相憶風生隔楚波

送國子韋丞

臨水獨相送歸期千里間
雲迴逢過雨路轉入連山
一騎行芳草新蟬發故關
遙聆茂陵下夜啟竹扉閒

題吳發原南居

閒居誰厭僻門掩漢祠前
山色夏雲映樹陰幽草連晴
光分渚曲綠氣冒原田何日
遠遊罷高枝已噪蟬

雒中寒夜姚侍御宅懷賈島

夜木一作樹

動寒色

一作夜來
寒色動

雒陽城闕深如何異鄉思

更抱故人心微月關山遠
閒塔霜霰一作霧

侵誰知石門

橋一作路待與子同尋

征婦歎

稚子在我抱送君登遠道稚子今已行念君上邊城蓬
根既無定蓬子焉用生但見請防胡不聞言罷兵及老
能得歸少者還長征

山中

一作
到山

寄姚合員外

朝與城闕別暮同麋鹿歸鳥鳴松觀靜人過石橋稀木
葉搖山翠泉痕一作
聲入澗扉敢招仙署客暫此拂朝衣

中秋月

陰魄出海上海望之增苦吟冷搜驪頷重寒徹蚌胎深皓
氣籠諸夏清光射萬岑悠然天地內皎潔一般心

下第寄友人

金門君待問石室我思歸聖主尊黃屋何人薦白衣年
來御溝柳贈別雨霏霏

寄廣州楊參軍

南方春景好念子緩歸心身方脫野服冠未繫朝簪足

恣平生賞無虞外役侵汀洲觀鳥戲向月和猿吟稅駕
楚山廣揚帆湘水深採竒搜石穴懷勝即楓林悵望極
霞際流情隨海陰前期杳難問歎息灑鳴琴

離夜二首

東征遼水迥北近單于臺戎衣挂寶劍玉筋銜金杯紅
燭暗將滅翠蛾終不開

凝夜照離色恐聞啼晚鴉前年營鴈塞明月戍龍沙曾
與五陵子休裝孤劍花

答太原從軍

一作事

楊員外送別

下四字一作郎中見寄

君將

一作枉

海月珮贈之先我行見知言不淺懷報意

非輕反照臨歧思中年未達情河梁人送別秋漢鴈

相鳴衰柳搖邊吹寒雲冒古城西遊還獻賦應許託

平生

送從叔重赴海南從事

又從連帥請還作嶺南行窮海何時到孤帆累月程亂
蟬吟暮色哀荻落秋聲晚路潮波起寒葭霧雨生沙埋

銅柱沒山簇瘴雲平念此別離苦其如宗從情

送韓校書江西從事

出關寒色盡雲夢草生新鴈背岳陽雨客行江上春遙
程隨水闊枉路倒帆頻夕照臨孤館朝霞發廣津湖山
潮半隔郡壁岸斜鄰自此鍾陵道裁書一作相思有故人

送顧少府之永康

婺女星邊去春生即有花寒闌雲復雪古渡草連沙宿
次吳江晚行侵日微斜官傳梅福政縣顧赤松家燒起

明山翠潮迴動海霞清高宜閱此莫歎近天涯

幽上

一作土

畱別令狐侍郎

自別丘中隱頻年哭路歧辛勤今若是少壯豈多時露
滴陰蟲苦秋聲遠客悲晚營嚴鼓角紅葉拂旌旗北闕
虛延望西林久見思川流寒水急雲返故山遲落照遊
人去長空獨鳥隨不堪風景隔忠信寡相知

襄陽席上呈于司空

一作元
稹詩

花枝臨水復臨堤也照清江也照泥寄語東君好擡舉

夜來曾伴鳳皇棲

宿裴氏谿居懷厲玄先輩

樹下孤石坐草間微有霜同人不同北

一作北

雲

一作零

鳥自

南翔迢遞夜山色清冷泉月光西風耿離抱江海遙相望

集宿姚殿中宅期僧無可不至

殿中日

一作殿內臣

相命開尊話舊時餘鐘催鳥絕積雪阻

僧期林靜寒光

一作聲

遠天陰曙色遲今夕復何夕人謁

去難追

一作鳴佩出難隨

宿賈島原居

一作尋賈島原東居

寒鴈過原急渚邊秋色深煙霞向海島風雨宿園林俱

住明時願同懷故國心

一作共許貧交久猶嫌外事侵

未能先隱跡一作

去聊一作此一作相尋

贈別空公

雲門

一作外

秋却入微徑久無人後夜中峰月空林百衲

身寂寥寒磬盡盥漱瀑泉新履跡誰相見

一作重見

松風掃

石塵

府試觀開元皇帝東封圖

儼若翠華舉登封圖乍開冕旒明主立冠劍侍臣陪跡
類飛仙去光同拜日朱粉痕疑檢玉黛色訝生苔挂壁
雲將起陵風仗若迴何年復東幸魯叟望悠哉

府試水始冰

南池寒色動北陸歲陰生薄薄流澌聚澌澌一作微翠澌

平暗霑霜稍厚迴照日還輕乳竇懸殘滴湘流減恨聲
即堪金井貯會映玉壺清潔白心雖識空期飲此明

邊館逢賀秀才

貧病無疎我與君不知何事久離羣
鹿裘共弊同為客龍闕將移擬獻文
空館夕陽鴉繞樹荒城寒色鴈和雲
不堪吟斷邊笳曉葉落東西客又分

宿王屋天壇

星斗半沈蒼翠色紅霞遠照海濤分
折松曉拂天壇雪投簡寒窺玉洞雲
絕頂醮迴人不見深林磬度鳥應聞
未知誰與傳金籙獨向仙祠拜老君

岐陽逢曲陽故人話舊

異地還相見平生問

一作分

可知壯年俱欲暮往事盡堪悲

道路頻艱阻親朋久別離解兵逃白刃謁帝值明時淹

疾生涯故因官事

一作世

業移雞鳴關月落鴈度朔風吹客

淚翻歧下鄉心落海湄積愁何計遣滿酌浣相思

贈禪僧

弟子人天遍

一作滿

童年在沃洲開禪

一作禪閣

山木長浣

一作

浣海沙秋振

一作立

錫搖汀月持瓶接瀑流赤城何日上鄙

願從師遊

一作常多白雲
典願結赤城遊

題廬山寺

白茅為屋宇編荆數處堦墀石疊成東谷笑言西谷響
下方雲雨上方晴鼠驚樵客緣蒼壁猿戲山頭撼紫煙
別有一條投澗水竹筒斜引入茶鑪

題石甕寺

僧室並皇宮雲門輦路同渭分雙闕北山迴五陵東脩
綆懸林表深泉汲洞中人煙窺垤蟻駕瓦拂冥鴻蘚壁

松生峭龕燈月照空稀逢息心侶獨禮竺乾公

謁仙觀二首

我生求羽化齋沐造仙一作山居葛蔓沒一作汲丹井石函

盛一作開道書寒松多偃側靈洞遍清虛一就泉西飲一作

嶺雲中採藥疏

山空蕙氣香乳管折雲房願值壺中客親傳肘後方三
更禮星斗寸匕服丹霜默坐樹陰下仙經橫石牀

送朴山人歸新羅一作海東

浩渺行無極揚帆但信風雲山過海半一作鄉樹入舟
中波定遙天出沙平遠岸窮一作離心寄何處目斷曙
霞東

題靜住寺欽用上人房

寺近朝天路多聞玉珮音鑿人開慧眼歸鳥息禪心磬
接星河曙窗連夏木深此中能宴一作坐何必在雲林

贈楊先輩一作送楊

之梁先輩

平生閒放久野鹿許為羣居止鄰西岳軒窗度白雲齋

心飯松子話道接茅君漢王思一作方清淨休書諫獵文

誄李景章先輩

平生詩句忝多同不得陪君奉至公金鎬自宜先中鵠
鉛刀甘且學雕蟲鶯啼細柳臨關路燕接飛花遶漢宮
九陌芳菲人競賞此時心在別離中

贈祠部令狐郎中

官初執憲稱雄才省轉為郎雅望催待制松陰移玉殿
分宵露氣靜天臺莫棋默向孤雲坐隨鶴閒窮片水迴

忽憶十年相識日小儒新自海邊來

送冊東夷王使

越海傳金冊華夷禮命行片帆秋色動萬里信潮生日

映孤舟出沙連絕島明翳空翻大鳥飛雪灑一作噴長鯨

舊鬢迴應改遐荒夢易驚何當理風檝天外問來程

送武陵王將軍

河外今無事將軍有戰名艱難長劍缺一作闕功業少年成

曉仗親雲陞寒霄突禁營朱旗身外色玉漏耳邊聲開

閣談賓至調弓過鴈驚為儒多不達見學請長纓

贈鄆縣尉李先輩二首

同人家鄆杜相見罷官時野坐苔生石荒居菊入籬聽
蟬臨水久送鶴背山遲未擬還城闕溪僧別有期

休官不到闕求靜匪營他種藥唯愁晚看雲肯厭多渚
邊逢鷺下林表伴僧過閒檢仙方試松花酒自和

邊將

玉榼酒頻傾論功笑李陵紅韉跑駿馬金鏃掣秋鷹塞

迴連天雪河深徹底冰誰言提一劍勤苦事中興

下第別令狐員外

論文期雨夜飲酒及芳晨坐歎百花發潛驚雙鬢新
舊交多得路別業遠仍貧便欲辭知己歸耕海上春

送春坊董正字浙右歸覲

去覲一作省毘陵日秋殘建業中莎垂石城古山濶海門

空灌木寒檣遠一作並層波皓月同何當復讎校春集少

陽宮

送和北虜使

路始陰山北迢迢雨雪天
長城人過少沙磧馬難前
日入流沙際陰生瀚海邊
刀鏢向月動旌纛冒霜懸
逐獸孤圍合交兵一箭傳
穹廬移斥候一作冒頓烽火絕祁連
漢將行持節名王坐控弦
明妃的迴面南送使君一作臣旋

攄情留別并州從事

淺學長自鄙謬承賢達知
才希漢主召王任楚人疑
年長慙漂泊恩深惜別離
秋光獨鳥過一作逝暝色一蟬悲

鶴髮生何速龍門上苦遲彫蟲羞朗鑒千祿貴明時故
國誠難返青雲致未期空將感激淚一自灑臨歧

酬田卿送西游

華堂開翠簾惜別玉壺深客去當煩暑蟬鳴復此心
廢城喬木在古道濁河侵莫慮西游遠西關絕隴陰

雪中送青州薛評事

臘景不可犯從戎難自由憐君急王事走馬赴邊州岳
雪明日觀海雲冒營丘慙無斗酒瀉敢望御重裘

哭京兆龐尹

神州喪賢尹父老泣

一作哭

關中未盡羣生願
繞留及物

功清光沈皎月素業振遺風
履跡莓苔掩珂聲紫陌
空從來受知者會葬漢陵東

路傍樹

古樹何人種清陰減昔時
莓苔根半露風雨

一作雪

節偏

危蟲蠹心將穴蟬催葉向衰
樵童不須翦聊起

邵公思

送客南遊

擬卜何山隱高秋指岳陽
葦乾雲夢色橘熟洞庭香
疎雨殘虹影回雲背鳥

一作屬

行靈均如可問一為哭清湘

寄襄陽王公子

君馬勒金羈君家貯玉筭
白雲登峴首碧樹醉銅鞮
澤廣荊州北山多漢水西
鹿門知不隱芳草自萋萋

集宿姚侍御宅懷永樂宰殷侍御

石田虞芮接種樹白雲陰
穴閉神踪古河流禹鑿深
樵人

應滿郭僊鳥幾巢林此會偏相語

一作憶

曾供

一作同

雪

夜吟

易水懷古

荆卿西去不復返易水東流無盡期落日蕭條薊城北
黃沙白草任風吹

送僧二首

親在平陽憶久歸洪河雨漲出關遲獨過舊寺人稀識
一一杉松老別時

龕中破衲自持行樹下禪牀坐一生來往白雲知歲一作
我久滿山猿鳥會經聲

贈友人邊遊回

一作薛能詩

遊子新從絕塞回自言曾上李陵臺尊前語盡北風起
秋色蕭條胡鴈來

山中作

屐齒無泥竹策輕莓苔梯滑夜難行獨開石室松門裏
月照前山空水聲

出塞詞

金帶連環束戰袍
馬頭衝雪度臨洮
卷旗夜劫單于帳
為殺人多一作兵缺寶刀

寄雲臺觀田秀才

雲壓松枝拂石窗
幽人獨坐鶴成雙
晚來漱齒敲冰渚
閒讀仙書倚翠幢

邊上送楊侍御鞫獄回

獄成寃雪晚雲開
多角威清塞鴈回
飛將送迎遙避馬

離亭不敢勸金杯

射鵬騎

蕃面將軍著鼠裘
酣歌衝雪在邊州
獵過黑山猶走馬
寒雕射落不回頭

高司馬移竹

叢居堂下幸君移
翠掩燈窗露葉垂
莫羨孤生在山者
無人看著拂雲枝

贈前蔚州崔使君

戰回脫劍縮銅魚塞鴈迎風避隼旗欲識前時為郡政
校成上下考新書

秋思二首

萬木秋霖後孤山夕照餘田園無歲計寒近憶樵漁
亭樹霜霰滿野塘鳧鳥多蕙蘭不可折楚老徒悲歌

黃神谷紀事

霹靂振秋岳折松橫洞門雲龍忽變化但覺玉潭昏
過亡友墓

憶昨送君葬今看墳樹高尋思後期者只是益生勞

聞瀑布冰折

萬仞冰峭折寒聲投白雲光搖山月墮我向石林聞

贈道者

深居白雲穴靜注赤松經徃徃龍潭上焚香禮斗星

華下逢楊侍御

巨靈掌上月玉女盆中泉柱史息車看孤雲心浩然

新春聞赦

龍陽作

道在猜讒息仁深疾苦除堯聰能下聽湯網本來疎

送李侍御福建從事

晉安來越國蔓草故宮迷釣渚龍應在琴臺鶴亂栖泛
濤明月廣邊海衆山齊賓府通蘭棹鸞僧接石梯片雲
和瘴濕孤嶼映帆低上客多詩興秋猿足夜啼

酬刑部姚郎中

路歧人不見尚得記心中月憶瀟湘渚春生蘭杜叢烏
啼花半落人一作客散爵方空所贈誠難答冷然一雅一作榻風

送柳秀才往連州看弟

離人非逆旅有弟謫連州
楚雨霑猿暮湘雲拂鴈秋
葭葭行廣澤星月棹寒流
何處江關鏢風濤阻客愁

晚眺有懷

點點一作點點抱離念
曠懷成怨歌高臺試延望
落照在寒波
此地芳草歇舊山喬木多
悠然暮天際但見鳥相過

山中興作

高高丹桂枝
娟娟女蘿衣
密葉浮雲過
幽陰暮鳥歸
月

和風翠動花落瀑泉飛欲翦蘭為佩中林露未晞

送皇甫協律淮南從事

辟書丞相草招作廣陵行隋柳疎淮岸汀洲接海城楚
檣經雨泊煙月隔潮生誰與同尊俎雞鸞集虎營

別靈武令狐校書

北風吹別思落月度關河樹隱流沙短山平近塞多鴈
池戎馬飲鷓鴣帳戍人過莫慮行軍苦華夷道正和

田氏南樓對月

主人同露坐明月在高臺咽咽陰蟲叫蕭蕭寒鴈來影
搖疎木落魄轉曙鐘開幸免丹霞映清光溢酒杯

送宗密上人

門前九陌塵石上定中身近放遼天鶴曾為南岳人臘
高松葉換雪盡茗芽新一自傳香後名山願卜鄰

白鹿原晚望

澹曲鴈飛下秦原人墓回丘墳與城闕草樹共塵埃

失意書懷呈知己

直道何由啟聖君非才誰敢議論文心存黃錄兼丹訣
家憶青山與白雲麋鹿幽栖間可近鴛鴦高舉勢宜分
微生不學劉琨輩劍刃相交擬立勲

春日尋漣川王處士

碧草徑微斷白雲扉晚開罷琴松韻發鑿水月光來宿
鳥排花動樵童澆竹迴與君同露坐澗石拂青苔

宿陽臺觀

玉洞仙何在爐香客自焚醮壇圍古木石磬響寒雲曙

月孤霞映懸流峭壁分心知人世隔坐與鶴為羣

寄金州姚使君員外

老懷清淨化乞去守洵陽廢井人應滿空林虎自藏
迸泉踈石竇殘雨發椒香山缺通巴峽江流帶楚檣
憂一作

勸農生野思禱廟結雲裝覆局松移影聽琴月墮光
鳥鳴開郡印僧去置禪牀罷貢金休鑿凌寒笋更長
退公披鶴氅高步隔鵷行相見朱門內麾幢拂曙霜

中秋夜坐有懷

秋光動河漢耿耿曙難分
墮露垂叢藥殘星間薄雲
心懸赤城嶠志向紫陽君
鴈過海風起蕭蕭時獨聞

題鏡湖野老所居

一作秦系詩

湖裏尋君去樵風往返吹
樹喧巢鳥出路細葑田移
漚芋成魚網枯根是酒卮
老年唯自適生事任羣兒

題女道士居

不餌芝朮四十餘年一作秦系詩

不餌任雲溪休丹罷藥畦
杏花虛結子石髓任成泥
掃地青牛卧栽松白鶴棲
共知仙女麗莫是阮郎妻

送王道士

一作秦
系詩

真人俄整舄雙鶴屢飛翔
恐入壺中住須傳肘後方
霓裳雲氣潤石徑朮苗香
一去何時見仙家日月長

送道友入天台山作

却憶天台去移居海島空
觀寒琪樹碧雪淺石橋通
漱齒飛泉外飡霞早境中
終期赤城裏披氅與君同

題章野人山居

一作秦
系詩

帶郭茅亭詩興饒
回看一曲倚危橋
門前山色能深淺

壁上湖光自動搖閒花散落填書帙戲鳥低飛礙柳條
向此隱來經幾載如今已是漢家朝

江中遇客

危石江中起孤雲嶺上還相逢皆得意何處是鄉關

期王鍊師不至

一作秦系詩

黃精蒸罷洗瓊栢林下從留石上苔昨日圍棋未終局
多乘白鶴下山來

秋日送僧志幽歸山寺

一作秦系詩

禪室繩牀在翠微
松間荷笠一僧歸
磬聲寂歷宜秋夜
手冷鐙前自衲衣

句

申胥任向秦庭哭
靳尚終貽楚國憂

欽定四庫全書

御定全唐詩
卷五百五十六

御定全唐詩卷五百五十六

欽定四庫全書

御定全唐詩卷五百五十七

易重

易重字鼎臣宜春人會昌五年進士第官至大理評事
詩一首

寄宜陽兄弟

六年雁序恨分離詔下今朝遇已知上國皇風初喜日
御塔恩渥屬身時內庭再考稱文異聖主宣名獎藝奇

故里仙才若相問一春攀得兩重枝

覆考第一

孟遲

孟遲字遲之一云平昌人登會昌五年進士第詩十七

首

發蕙風館過陰不見九華山有作

我來淮陰城千江萬山無不經山青水碧千萬丈奇峯
急派何縱橫又聞九華山山頂連青冥太白有逸韻使
我西南行一步一攀策前行正雞鳴陰雲冉冉忽飛起

千里萬里危崢嶸譬如天之有日蝕使我昏沈猶不明
人家敲鏡救不得光陰却屬貪狼星恨亦不能通言亦
不足聽長鞭揮馬出門去是以九華爲不平

寄浙右舊幕僚

由來惡舌駟難追自古無媒謗所歸勾踐豈能容范蠡
李斯何暇救韓非巨奉豈爲雞揮肋強弩那因鼠發機
慚愧故人同鮑叔此心江柳尚依依

壯士吟

壯士何曾悲悲即無回期如何易水上未歌淚先垂

徐波渡

曉月千重樹春煙十里溪過來還過去此路不知迷

題嘉祥驛

樹頂煙微綠山根菊暗香何人獨鞭馬落日上嘉祥

懷鄭洎

風蘭舞幽香雨葉墮寒滴美人來不來前山看向夕

長信宮

一作趙
殿詩

君恩已盡欲何歸，猶有殘香在舞衣。
自恨身輕不如燕，春來還遶御簾飛。

閨情

山上有山歸不得，湘江暮雨鷓鴣飛。
蘼蕪亦是王孫草，莫送春香入客衣。

蓮塘

脉脉低回殷袖遮，臉橫秋水髻盤鴉。
蓮莖有刺不成折，盡日岸傍空看花。

還淮卻寄睢陽

梁王池苑已蒼然，滿樹斜陽極浦煙。
盡日回頭看不見，兩行愁淚上南船。

烏江

中分豈是無遺策，百戰空勞不逝騅。
大業固非人事及，烏江亭長又何知。

新安故關

漢帝英雄重武材，崇山險處鑿門開。
如今更有將軍否。

移取潼關向北來

廣陵城

一作趙
嘏詩

紅遶高臺綠遶城
城邊春草傍牆生
隋家不向此中盡
汴水應無東去聲

過驪山

一作趙
嘏詩

冷日微煙渭水愁
華清宮樹不勝秋
霓裳一曲千門鎖
白盡梨園子弟頭

吳故宮

越女歌長君且聽芙蓉香滿水邊城豈知一日終非主
猶自如今有怨聲

蘭昌宮

宮門兩片掩埃塵牆上無花草不春誰見當時禁中事
阿嬌解佩與何人

宮人斜

雲慘煙愁苑路斜路傍丘冢盡宮娃茂陵不是同歸處
空寄香魂著野花

句

天地有時饒一擲江山無主任平分

過垓下見
紀事

王鐸

王鐸字昭範宰相播之從子會昌初擢進士第咸通時
拜相黃巢之亂命為行營都統封晉公後落職節度滄
景為魏博節度樂從訓所害詩三首

和于興宗登越王樓詩

謝朓題詩處危樓壓郡城雨餘江水碧雲斷雪山明錦

繡來仙境風光入帝京恨無青玉案何以報高情

謁梓潼張惡子廟

盛唐聖主解青萍欲振新封濟順名夜雨龍拋三尺匣
春雲鳳入九重城劔門喜氣隨雷動玉壘韶光待賊平
惟報關東諸將相柱天功業賴陰兵

罷都統守鎮滑州作

用軍何事敢遷延恩重才輕分使然黜詔已聞來闕下
檄書猶未遍軍前腰間盡解蘇秦印波上虛迎范蠡船

正會星辰扶北極却驅戈甲鎮南燕三塵上相逢明主
九合諸侯媿昔賢看却中興扶大業殺身無路好歸田

句

華表尚迷丁令鶴竹坡猶認葛溪龍

見吟窗雜錄

鄭畋

鄭畋字台文滎陽人會昌進士第劉瞻鎮北門辟為從
事瞻作相薦為翰林學士遷中書舍人乾符中以兵部
侍郎同平章事尋出為鳳翔節度使拒巢賊有功授檢

校尚書左僕射詩一卷今存十六首

中秋月直禁苑

禁署方懷忝綸閣已再加暫來西掖路還整上清槎恍
惚歸丹地深嚴宿絳霞幽襟聊自適閒弄紫薇花

麥穗兩岐

聖慮憂千畝嘉苗薦兩岐如雲方表盛成穗忽標竒瑞
露縱橫滴祥風左右吹謳歌連上苑化日遍平陂史冊
書堪重丹青畫更宜願依連理樹俱作萬年枝

五月一日紫宸候對時屬禁直穿內而行因書

六韻

朱夏五更後步廊三里餘有人從翰苑穿入內中書漏
響飄銀箭燈光照玉除禁扉猶鎖鑰宮妓已妝梳紫府
遊應似鈞天夢不如塵埃九重外誰信在清虛

題緱山王子晉廟

有昔靈王子吹笙遡次溲六宮攀不住三島去相招亡
國原陵古賓天歲月遙無蹊窺海曲有廟訪山椒石帳

龍蛇拱雲櫳彩翠銷露壇裝琬琰真像寫松喬珠館青
童宴琳宮阿母朝氣輿仙女侍天馬吏兵調湘妓紅絲
瑟秦郎白管簫西城要綽約南嶽命嬌嬈句曲觴金洞
天台嘯石橋晚花珠弄藥春茹玉生苗二景神光秘三
元寶籙饒霧垂鵝翅髮冰束虎章腰鶴馭爭銜箭龍妃
合獻綃衣從星渚浣丹就日宮燒物外花嘗滿人間葉
自凋望臺悲漢戾閱水笑梁昭古殿香殘地荒堦柳長
條幾曾期七日無復降重霄嵩嶺連天漢伊瀾入海潮

何由得真訣使我珮環飄

初秋寓直三首

曉星獨挂結麟樓三殿風高藥樹秋玉笛數聲飄不住
問人依約在東頭

宿鳥翩翩落照微石臺樓閣鎖重扉步廊無限金羈響
應是諸司扈從歸

幽閣焚香萬慮凝下簾胎息過禪僧玉堂分照無人後
消盡金盆一碗冰

夜景又作

鈴條無響閉珠宮
小閣涼添玉藥風
枕簟滿牀明月到
自疑身在五雲中

杪秋夜直

藥宮裁詔與宵分
雖在青雲憶白雲
待報君恩了歸去
山翁何急草移文

禁直寄崔員外

銀臺樓北藥珠宮
覓與人間路不同
在省五更春睡侶

早來分夢玉堂中

聞號

陞兵偏近羽林營
夜靜仍傳禁號聲
應笑執金雙闕下
近南猶隔兩重城

禁直和人飲酒

卉醴陀花物外香
清濃標格勝椒漿
我來尚有鈞天會
猶得金尊半日嘗

下直早出

諸司人盡馬蹄稀紫帕雲竿九釘歸偏覺石臺清貴處
榜懸金字射晴暉

金鑾坡上南望

玉晨鐘韻上

一作索

清虛畫戟祥煙拱

一作擁

帝居極眼

一作目

向南無限地綠煙深處認中書

酬隱珪舍人寄紅燭

蜜炬殷紅畫不如且將歸去照吾廬今來併得三般事
靈運詩篇逸少書

馬嵬坡

肅宗回馬楊妃死雲雨雖亡日月新
終是聖明天子事
景陽宮井又何人

句

圓明青飢飯光潤碧霞漿

詩見古今話

浴殿晴秋倘中謝

殘英猶可醉瓊杯

紫薇花見海錄碎事

譚銖

譚銖吳人登會昌進士第嘗為蘇州醴院官詩二首

題九華山

憶聞九華山尚在童稚年浮沈任名路窺仰會無緣罷
職池陽時復遭迎送牽因茲契誠願矚望枕席前况值
春正濃氣色無不全或如碧玉靜或似青靄鮮或接白
雲堆或映紅霞天呈姿既不一變態何啻千巍峩本無
動崇峻性豈偏外景自隱隱潛虛固幽玄我來暗凝情
務道志更堅色與山異性性併山亦然境變山不動性
存形自遷自遷不阻俗自定不失賢浮華與朱紫安可

迷心田

真娘墓

武丘山下冢累累
松柏蕭條盡可悲
何事世人偏重色
真娘墓上獨題詩

盧嗣立

盧嗣立登會昌進士第詩一首

望九華山

九華深翠落軒楹
迴眺澄江氣象明
不遇陰霾孤岫隱

正當寒日衆峯呈坐觀風雪銷煩思惜別煙嵐駐曉行
得路歸山期早訣夜來潛已告精誠

朱可名

朱可名越州人會昌進士及第終長安令詩一首

應舉日寄兄弟

廢刈鏡湖田上書紫閣前愁人久委地詩道未聞天不
是燒金手徒拋釣月船多慚兄弟意不敢問林泉

張良器

張良器會昌進士第詩一首

河出榮光

引派崑山峻朝宗海路長千齡逢聖主五色瑞榮光
隱映浮中國晶明助太陽坤維連浩漫天漢接微茫
丹闕青氛裏函關紫氣旁位尊常守伯道泰每呈祥
習坎靈逾久居卑德有常龍門如可涉忠信是舟梁



御定全唐詩卷五百五十七

欽定四庫全書

集部

御定全唐詩卷五百

五十八至
六十一

詳校官庶吉士臣胡鈺

主事銜臣徐以坤覆勘

總校官知縣臣繆

校對官中書臣陸

騰錄監生臣王

琪
湘
官

欽定四庫全書

御定全唐詩卷五百五十八

薛能

薛能字太拙汾州人登會昌六年進士第大中末書判
中選補藍屋尉李福鎮滑表署觀察判官歷御史都官
刑部員外郎福徙西蜀奏以自副咸通中攝嘉州刺史
遷主客度支刑部郎中權知京兆尹事授工部尚書節
度徐州徙忠武廣明元年徐軍戍激水經許能以舊軍

館之城 中軍懼見襲 大將周岌乘衆疑 逐能自稱留後
因屠其家能僻于詩 日賦一章有集十卷 今編詩四卷

新雪八韻

一作閒
居新雪

大雪滿初晨 開門萬象新 龍鍾鷄未起 蕭索我何貧 耀
若花前境 清如物外身 細飛斑戶牖 乾灑亂松筠 正色
凝高嶺 隨流助要津 鼎消微是一作示 滓車碾半和塵 茶
興留詩客 瓜情想戍人 終篇本無字 誰別勝陽春

國學試風化下

霽闕露穹崇，含生仰聖聰。
英明高比日，聲教下如風。
靜發宸居內，低來品物中。
南薰歌自溥，北極響皆通。
蘋末看無狀，人間覺有功。
因今一作委泥者，覩此忘途窮。

昇平詞十首

樂府作昇平樂

瑞

一作正

氣遶宮樓，皇居信上

一作上苑

遊遠岡連

一作延

聖祚

平地載神州，會合皆重譯。
潺湲近八流，中興豈假問。
據此自千秋。

寥泯敞延英，朝班立位橫。
宣傳無草動，拜舞有衣聲。
駕

瓦霜消濕蟲絲日照明辛勤自不到遙見似前程

一作生

處處是

一作足

歡心

一作聲

時康歲已深不同三尺劍應似

五弦琴壽笑山猶盡明嫌日有陰何當憐一物亦遣斷

愁吟

曙質絕埃氛彤庭列禁軍聖顏初對日龍尾競緣雲佩
響交成韻簾陰暖帶紋逍遙豈有事於此詠南薰

一物至周天洪纖盡晏然車書無異俗甲子並豐年奇

枝皆歸朴正夫亦服田君王故不有台鼎合韋弦

一作賢

日日聽歌謠區中盡祝堯蟲蝗初不害
兵革近全銷史筆惟書瑞天臺絕見妖
因令匹夫志轉欲事清朝

品物盡昭蘇神功復帝謨他時應有壽
當代且無虞賜歷通遐俗移關入半胡
鷓鴣一何幸於此寄微軀

無戰復無私堯時即此時焚香臨極早
待月卷簾遲端拱乾坤內何言黈纊垂
君看聖明驗只此是神龜

旭日上清穹明堂坐聖聰衣裳承瑞氣
冠冕蓋一作重

瞳花木經霄露旌旗入一作仗風何期於此地見說是

神工

一作
仙宮

五帝三皇主蕭曹魏邴臣文章惟返朴
戈甲盡生塵諫
紙應無用朝綱自有倫昇平不可記
所見是閒人

送馮溫往河外

琴劍事行裝河關出北方秦音盡河內
魏畫自黎陽野
日村苗熟秋霜館葉黃風沙問船處
應得立清漳

送從兄之太原副使

少載琴書去須知暫佐軍初程見西嶽
盡室渡橫汾元

日何州住枯風宿館聞都門送行處青紫騎紛紛

送馬戴書記之太原

一曲大河聲全家幾日行從容長約夜差互忽離城鎮

北胡沙淺途中霍嶽橫相逢莫已訊一作泛詩雅一作負

雄名

送友人出塞

榆關到不可何況出榆關春草臨歧斷邊樓帶日閒人

歸穹帳外鳥亂一作度廢營間此地堪愁一作秋堪想霜前作

意還

送李溟出塞

邊城官尚惡，況乃是羈遊。
別路應相憶，離亭更少留。
黃沙人外濶，飛雪馬前稠。
甚險穹廬宿，無為過代州。

寄終南隱者

海日東南出，應開嶺上扉。
掃壇花入簞，科竹露霑衣。
飯後嫌身重，茶中見鳥歸。
相思愛民一作者難說與親違。

贈隱者

自得高閒性平生向北

一作此

棲月潭雲影斷山葉雨聲

齊庭樹人書匝欄花鳥坐低相留永不忘經宿話丹梯

惜春

花開亦花落時節暗中遷無計延春日可能留少年小
叢初散蝶高柳即聞蟬繁豔歸何處滿山啼杜鵑

送人自蘇州之長沙縣官

驅馬復乘流何時發虎丘全家上南嶽一尉事諸侯
煮朝宗水船停調角州炎方好將息早濕舊堪憂

早春歸山中舊居

茫茫驅匹馬歸處是荒榛
猿跡破庭雪鼠蹤生甑塵
開門衝網斷掃葉放苔勻
為惜詩情錯應難致此身

麟中

一作東

寓居寄蒲中友人

蕭條秋雨地獨院阻同羣
一夜驚爲客多年不見君
邊心生落日鄉思羨歸雲
更在相思處子規燈下聞

關中送別

一行千里外幾事寸心間
才子貧堪歎男兒別是閒
黃

河淹華岳日照潼關若值鄉人問終軍賤不還

中秋夜寄李溟

滿魄斷埃氛牽吟並舍聞一年惟此夜到晚願無雲待
賞從初出看行過二分嚴城亦已閉悔不預期君

贈禪師

夢想青山寺前年住此中夜堂吹竹雨春地落花風舊

句師

一作僧

曾見清齋我亦同浮生蹇莫問辛苦未成功

贈禪僧

寒空孤鳥度落日一僧歸近寺路聞梵出郊風滿衣步
搖瓶浪起盂戛磬聲微還坐棲禪所荒山月照扉

贈隱者

門前雖

一作惟

有徑絕向世間行雜草因逢藥移花便得

鶯甘貧原

一作元

是道苦學不為名莫怪蒼髭晚無機任

世情

冬日送僧歸吳中舊居

一本無舊居二字

去掃冬

一作東

林下閒持未徧經為山低鑿牖容月廣開

庭舊業雲千里生涯水一瓶還應覓新句看雪倚禪局
恭禧皇太后輓歌詞三首

八月曾殊選三星固異儀祔陵經灞澹歸贈雜華夷旌
去題新諡宮存鏤素幃重泉應不恨生見太平時

月落娥兼隱宮空后豈還銜哀窮地界親蒞泣天顏舊
住留丹藥一作竈新陵在碧山國人傷莫及應只詠闕闕

配聖三朝隔靈儀萬姓哀多年好黃老舊日薦賢才道
著標彤管宮閒閉綠苔平生六衣在曾著祀高禔

送胡澳下第歸蒲津

無媒甘下

一作不

飛君子尚麻衣歲月終榮

一作榮終

在

家園近且歸山光臨舜廟河氣隔王畿甚積湯原思青

青宿麥肥

原注湯原故地

春日閒居

權門多見薄吾道豈終行散地徒憂國良時不在城花
繁春正王茶美夢初驚賴有茲文在猶堪暢此生

題逃戶

幾世曹

一作事

農桑凶年竟失鄉
朽關生濕菌
傾屋照斜

陽雨水淹殘白葵花
壓倒牆明時豈致此
應自負蒼蒼

郊居答客

傍舍蟲聲滿殘秋
宿雨村遠勞才

一作之

子騎光

一作先

顧

野人門敗葉盤空蔓
彫叢露暗根相攜
未盡語

一作未盡語

川月照黃昏

早春歸山中舊居

一作寓居有懷呈舊知

綠草閉閒院
悄然花正開
新年人未去
戊日燕還來
雨

地殘枯沫燈窻積舊媒歸田語不忘樗散料非才

下第後春日長安寓居三首

一榜盡精選此身猶陸沈自無功謹分敢抱怨尤心暖
陌開花氣春居閉日陰相知豈不有知淺未知深

暫屈固可恨所憂無此時隔年空仰望臨日又參差勞
力且成病壯心能不衰猶將琢磨意更欲候宗師

關東歸不得豈是愛他鄉草碧餘花落春閒白日長全
家期聖澤半路敢農桑獨立應無侶浮生欲自傷

春早選寓長安二首

疎拙自沉昏長安豈是村春非閒客事花在五侯門道
僻惟憂禍詩深不敢論揚雄若有薦君聖合承恩

舊論已浮海此心猶滯秦上僚如報國公道豈無人巖
隱懸溪瀑城居入榻塵漁舟即擬去不待晚年身

送進士

一本無進士二字

許棠下第東歸

長安那不住西笑又東行若以貧無計何因一作事有

成雲峯天外出江色草中明謾忝相於一作分吾言世

甚輕

詠鳥

孤島

一作鳥

如江上詩家猶

一作獨

閉門一池分倒影空舸

繫荒根煙濕高吟石雲生偶坐痕登臨有新句公退與誰論

冬日寫懷

一作寓懷

幕府盡平蠻客留戎閫間急流霜夾水輕靄日連山設醴徒慙楚為郎未姓顏斯文苦不勝會擬老民間

和楊中丞早春即事

貴宅登臨地春來見物華
遠江橋外色繁杏竹邊花
戍客烽樓迴文君酒幔斜
新題好不極珠府未窮奢

聞官軍破吉浪戎小而固
慮史氏遺忽因記為
二章

一戰便抽兵蠻孤吉浪平
通連無舊穴要害有新城
晝卒烽前寢春農界上耕
高樓一擬一作疑望新雨劍南清

瀘水斷囂氛妖巢已自焚
漢江無敵國蠻物在迴軍
越

舊通遊國

一作客
一作騎

首咩閉聚蚊空餘羅鳳曲哀思滿邊

雲

寒食有懷

流落傷寒食登臨望歲華
村毬高過索墳樹綠和花
晉聚應搜火秦喧定走車
誰知恨榆一作楊柳風景似吾家

綿一作錦樓

溪邊人浣紗樓下海棠花
極望雖懷土多情擬置家
前山應象外此地已天涯
未有銷憂賦梁王禮欲奢

雕堂

丈室久多病小園晴獨遊
鳴蛩孤燭雨啁雀一籬秋
聖主恩難謝生靈志亦憂
他年誰識我心跡在徐州

贈歌人

溫煥坐相侵羅襦一水沉
拜深知有意令背不無心
近住應名玉前生約一作
姓陰東山期已定相許便抽簪

柘枝詞三首

樂府詩集題
作柘枝調

同營三十萬震鼓伐西羌
戰血黏秋草征塵攪夕陽
歸

來人不識帝里獨戎裝

懸軍征拓羯內地隔蕭關日色崑崙上風聲朔漠間何
當千萬騎颯颯貳師還

意氣成功日春風起絮天樓臺新邸第歌舞小嬋娟急
破摧搖曳羅衫半脫肩

詠柳花

浮生失意頻起絮又飄淪發自誰家樹飛來獨院春朝
容縈斷砌晴影過諸鄰亂掩宮

一作空

中蝶繁

一作還

衝陌

上人隨波應到海
霑雨或依塵
會向慈恩日
輕輕對此身

一葉落

輕葉獨悠悠
天高片影流
隨風來此地
何樹落先秋
變色黃應近
辭林綠尚稠
無雙浮水面
孤絕落關頭
乍減誠難覺
將凋勢未休
客心空自比
誰肯問新愁

行路難

何處力堪殫
人心險萬端
藏山難測度
暗水自波瀾
對

面如千里迴腸似七盤已經吳坂困欲向鴈門難南北
誠一作試須泣高深不可干無因善行止車轍得平安

蔡州蔣亭

草徑徹林間過橋如入山蔡侯添水榭蔣氏本柴關靜
沈窮幽趣驚飛濕醉顏恨無優俸買來得暫時閒步與
招提接舟臨夕照還春風應不到前想負花灣

戲題

閃閃動鳴璫初來燭影傍擁頭珠翠重縈步綺羅長靜

發歌如磬連飄氣覺香不言微有笑多媚總無妝坐缺
初離席簾垂却入房思惟不是夢此會勝高唐

酬曹侍御見寄

儒道苦不勝邇來惟慕禪觸途非巧者於世分沉然要
地羞難入閒居鈍更便清和挑菜食悶寂閉花眠累遣
期拋俸機忘怕與權妨春愁筦權響夜憶林泉匪石從
遭別殊膏枉被煎討論惟子厚藏退合吾先舊製羣英
伏來章六義全休旬一擬合鄉思亂情田

送趙道士歸天目舊山

愚朴尚公平此心鄰道情有緣終自鄙何計逐師行日
者聞高躅時人蓋強名口無滋味入身有羽儀生奏乞

還鄉遠

一作連

詩曾對御成土毛珍

一作微

到越塵髮倦離

京符叱

一作咒

風雷惡朝脩月露清觀臨天目頂

一作秀

家

住海潮聲道引圖看足參同注解精休糧一擬問窗

一作

忽草俟回程

除夜作

和吹度穹旻虛徐接建寅不辭加一歲惟喜到三春燎
照雲煙好幡懸井邑新禎祥應北極調變驗平津樹欲
含遲日山將退舊塵蘭萎殘此夜竹爆和諸鄰祝壽思
明聖驅讎看鬼神團圓多少輩眠寢獨勞筋齒茄猶雙
節雕盤又五辛何當平賊後歸作自由身

桃花

香色

一作秀氣

自天種

一作鍾

千年豈易逢開齊全未落繁極

欲相重冷濕朝如淡晴乾午更濃風光新社燕時節舊

春農籬落歌臨竹亭臺盛間松亂綠堪羨蟻深入不如

蜂有影宜暄煦無言自治容洞連非俗世溪靜一作盡接

仙蹤子熟河應變根盤土已封西王潛愛惜東朔盜過
從醉席眠應好題詩戀景慵芳菲聊一望何必在臨邛

黃河

何處發崑崙連乾復浸坤波渾經鴈塞聲振自龍門岸
裂新衝勢灘餘舊落痕橫溝通海上遠色盡山根勇道
三峰坼雄標四瀆尊灣中秋景樹濶外夕陽村沫亂知

魚响槎來見鳥蹲飛沙當白日凝霧接黃昏潤可資農
畝清能表帝恩雨吟堪極目風度想驚魂顯瑞龜曾出
陰靈伯固存盤渦寒漸急淺瀨暑微溫九曲終柔勝常
流可暗吞人間無博望誰復到窮源

華嶽

簇簇復亭亭三峰卓杳冥每思窮本末應合配圖經發
地連宮觀衝天接井星河微臨巨勢秦重載竒形太古
朝羣后中央擘巨靈鄰州猶映檻幾縣恰當庭鶴毳壇

風亂龍隳洞水腥望遙通北極上徹見東溟客翫晴難
偶農祈雨必零度關無暑氣過路得愁醒羽客時應見
霜後夜可聽頂懸飛瀑峻崦合白雲青混石猜良玉尋
苗得茯苓從官知

一作如

側近悉俸致巖局

秋雨

宿雨覺纔初亭林忽復徐簇聲諸樹密懸滴四簷疎省
漏疑方丈愁炊問斗儲步難多入屐窓淺欲飄書動蠅
蒼苔靜藏蠶落葉虛吹交來翕習雷慢歇躊躇滯已妨

行路晴應好，荷鋤醉樓思。蜀客鯉市想，淮魚逕草因。綠
合欄花自此除，有形皆霹靂。無地不汗瀦，境晦宜甘寢。
風清原退居我魂驚，曉簟鄰話喜。秋蔬既用功，成歲
旋應慘變舒。倉箱足可恃，歸去做吾廬。

春色滿皇州

一作滕
邁詩

藹藹復悠悠，春歸十二樓。最明雲裏闕，先滿日邊州。色
媚青門外，光搖紫陌頭。上林榮舊樹，太液鏡一作新流。
暖帶祥煙起，清一作添瑞景浮。陽和如啓蟄，從此事芳

遊

寄唁張喬喻坦之

何事盡參差惜哉吾子詩日令銷此道天亦負明時有
路當重振無門即不知何當見堯日相與啜澆漓

贈僧

盡日行方到何年獨此林客歸惟鶴伴人少似師心坐
石落松子禪牀搖竹陰山靈怕驚定不遣夜猿吟

御定全唐詩卷五百五十八

欽定四庫全書

御定全唐詩卷五百五十九

薛能

春日旅舍書懷

出去歸來旅食人，麻衣長帶幾坊塵。
開門草色朝無客，落案燈花夜一身。
貧舍卧多消永日，故園鶯一作陰老憶殘春。
蹉跎冠蓋誰相念，二十年中盡苦辛。

秋日將離滑臺酬

一作

所知二首

身起中宵骨亦驚一分年少已無成
松吹竹簟朝眠冷雨濕蔬食宿疾生
僮汲野泉煎土味馬磨霜樹作秋聲
相知莫話詩心苦未似前賢取得名

燈澀秋光靜不眠葉聲身

一作峰

影客窗前閒園露濕鳴

蛩夜急雨風吹落木天城見遠山應北
嶽野多空地本南燕明朝欲別忘形處
愁把離柝聽管弦

下第後夷門乘舟至永城驛題

秋賦春還計盡違自知身是拙求知唯
思曠海為

一作無

休處

一作忽却

喜孤舟似去時連浦

一作夜

一城

一作程

兼汴宋夾堤千柳雜唐隋從來此恨皆前達敢負吾君

作楚辭

秋夜旅舍寓懷

庭鎖荒蕪獨夜吟西風吹動故山

一作人

心三秋木落半

年客滿地月明何處砧漁唱亂沿汀鷺合鴈聲寒咽隴
雲深平生只有松堪對露浥霜欺不受侵

洛下寓懷

胡為遭遇孰為官朝野君親各自歡敢向官

一作途 官

虎首尚嫌身累愛豬肝冰霜谷口晨樵遠星火爐邊夜

坐寒唯有報恩心未剖退居猶欲佩茝蘭

題平湖

平湖湖畔雨晴新南北東西不隔塵映野煙波浮動日
損花風雨寂寥春山無俗路藏高士岸泊仙舟憶主人
那得載來都未保此心離此甚情親

平陽寓懷

晉國風流阻

沮一作

汝川家家絃管路歧邊曾為郡職隨

分竹亦作歌詞乞採蓮北榭遠峰間即望西湖殘景醉
常眠牆花此日休迴避不是當時惡少年

留題汾上舊居

鄉園一別五年歸迴首人間總禍機尚勝鄰翁常寂寞
敢嫌裘馬未輕肥塵顏不見應消落庭樹曾栽已合圍
難說累牽還却去可憐榆柳尚依依

懷汾上舊居

素汾千載傍吾家常憶衡門對浣紗好事喜逢投宿客
刈田因得自生瓜山頭鼓笛陰沈廟陌上新蒸突兀車
投暗作珠何所用被人專擬害靈蛇

送同儒大德歸柏梯寺

柏梯還擬謝微官遙擬千峰送法蘭行徑未曾青石斷
拂牀終有白雲殘京塵濯後三衣潔山舍禪初萬象安
薇蕨縱多師莫踏我心欲作盡一作畫圖看

春日使府寓懷二首

一想流年百事驚已拋漁父戴塵纓青春背我堂堂去
白髮欺人故故生道困古來應有分詩傳身後亦何榮
誰憐一作合負清朝力獨把風騷破鄭聲

平生無解亦無操永日書生坐獨勞惟覺宦情如水薄
不知人事有山高孤心好直逸猶強病髮慵梳鬢更搔
何事故溪歸未得幾拋清淺汎紅桃

許州題德星亭

漢一作水南流東有堤堤邊亭是武陵溪槎松配石堪

僧坐藥杏含春欲鳥啼高樹月生滄海外遠郊山在夕
陽西頻來不似軍從事只戴紗巾曳杖藜

送人歸上黨

時潞寇
初平

燕臺基壞穴孤蛇計拙因循歲月賒兵革未銷王在鎬
桑蠶臨熟客還家罪微對岸漳邊雨堆阜鄰疆薊北沙
若到長平戰場地為求遺鏃辟魔邪

春日重遊平湖

湖上春風發管絃須臨三十此離筵離人忽有重來日

遊女初非舊少年官職已辜疲
瘵望詩名空被後生傳
啼鶯莫惜蹉跎恨閒事聽吟一兩篇

并州

少年流落在并州
裘脫文君取次遊
攜挈共過芳草渡
登臨齊凭綠楊樓
庭前蛺蝶春方好
牀上檇蒲宿未收
坊號偃松人在否
餅爐南畔曲西頭

相國隴西公南征能以留務獨宿府城作

吾君賢相事南征
獨宿軍廚負請纓
燈室卧孤如怨別

月階簪草似臨行高墉撼鐸思巴棧老木嗥風念野營
殊憶好僧招不及夜來倉卒鑱巖城

早春書事

百蠻降伏委三秦錦里風迴歲已新渠濫水泉花巷濕
日銷冰雪柳營春何年道勝蘇羣物盡室天涯是旅人
焚却蜀書宜不讀武侯無可律余身

春日書懷

伯牙琴絕豈求知往往情牽自有詩壠月正當寒食夜

春陰初過海棠時
耽書未必酬良相
斷酒惟堪作老師
多病不任衣更薄
東風臺上莫相吹

投杜舍人

牀上新詩詔草和
欄邊清酒落花多
閒消白日舍人宿
夢覺紫薇山鳥過
春刻幾分添禁漏
夏桐一作陰初葉滿

庭柯風騷委地苦
無主此事聖君終
若何

獻僕射相公

清如冰雪

一作玉

重如山
百辟嚴趨禮絕攀
強虜外聞應

喪

一作須破

膽平人相見盡開顏朝廷有道青春好門館無

私白日閒致却垂衣更何事幾多詩句詠

一作定

關關

上鹽鐵尚書

時太廟宿齋

南宮環雉隔囂塵況值清齋宿大臣城絕鼓鐘更點後
雨涼煙樹月華新簷前漱曉穹蒼碧庭下眠秋沆瀣津
聞說務閒心更靜此時憂國合求人

漢南春望

獨尋春色上高臺三月皇州駕未迴幾處松筠燒後死

誰家桃李亂中開
奸邪用法原非法
唱和求才不是才
自古浮雲能蔽日
洗天風雨幾時來

晚春

惡憐風景極交親
每恨年年作瘦人
卧晚不曾拋好夜
情多唯欲哭殘春
陰成杏葉纔通日
雨著楊花已汗塵
無限後期知有在
只愁煩一作還作總戎身

將赴鎮過太康縣有題

纔入東郊便太康
自聽何暮豈龍黃
晴村透日桑榆影

曉露濕秋禾黍香十萬旌旗移巨鎮幾多一作輓輒負

孤莊時人欲識征東將看取櫓槍落太一作荒

彭門解嘲二首

嗚嗚吹角貳師營落日身閒笑傲行盡覺文章尊萬事

却嫌官職剩雙旌終休未擬降低屈忽遇一作還須致

太平頻上一作水樓誰會我泗濱浮磬是一作同聲

傷禽栖後意猶驚偶向鷓鴣竿脫此生身外不思簪組事

耳中唯要管弦聲耽吟乍可妨時務淺飲無因致宿醒

秦客莫嘲瓜戍遠
水風瀟灑是彭城

清河汎舟

都人層立似山丘
坐嘯將軍擁權遊
遶郭湮波浮泗水
一船絲竹載涼州
城中覩望皆丹牖
旗裏驚飛盡白鷗
儒將不須誇却穀
未聞詩句解風流

新竹

柳營茅土倦麤材
因向山家乞翠栽
清露便教一作從終

夜滴好風疑是一作自故園來
欄邊匠去朱猶濕
漑一作培

後蟲浮穴暗開他日會應威鳳至莫辭公府受塵埃

晚春

征東留滯一年年又向軍前遇火前畫出鷁舟宜校楔
鏤成雞卵有鞦韆澄明煙水孤城立狼藉風花落日眠
賴指清和櫻筍熟不然愁殺暮春天

題彭祖樓

新晴天狀濕融融徐國灘聲上下洪極目澄鮮無限景
入懷輕好可憐風身防潦倒師彭祖妓擁登臨媿謝公

誰致此樓潛惠我萬家殘照在河東

漢廟祈雨回陽春亭有懷

南榮軒檻接城闈適罷祈農此訪春九九已從南至盡
芊芊初傍北籬新池中水是前秋雨陌上風驚自古塵
欲召羅敷傾一盞乘閒言語不容人

送李倍秀才

南朝才子尚途窮畢竟應須問葉公書劍伴身離泗上
雪風吹面立船中家園棗熟歸圭竇會府槐疎試射弓

相顧日偏留不得夜深聊欲一栢同

重遊德星亭感事

潁水川中枕水臺當時難別此重來
舟沈土岸生新草詩映紗籠有薄埃
事繫興亡人少到地當今古我遲迴
殘陽照樹明於旭猶向池邊把酒栢

許州題觀察判官廳

三載從戎類繫匏重遊全許尚分茅
劉郎別後無遺履丁令歸來有舊巢
冬煖井梧多未落夜寒窗竹自相敲

織腰弟子知千恨，笑與揚雄作解嘲。

閒題

能鎮彭門時溥劉巨容周岌俱在麾下後各領重鎮兼端揆故作此詩

八年藩翰似僑居，只此誰知報玉除。
舊將已成三僕射，老身猶是六尚書。
時丁厚讜終無咎，道致中興尚有餘。
為問春風誰是主，空催弱柳擬何如。

送福建李大夫

洛州良牧帥甌閩，曾是西垣作諫臣。
紅旆已勝前尹正，尺書猶帶舊絲綸。
秋來海有幽都鴈，船到城添外國人。

行過小藩應大笑只知誇近不知貧

送李倍巡官歸永樂舊居

羨君歸去

一作處

五峰前往往星河實見仙
麥壠夏枯成

廢地棗枝秋赤近高天山
泉飲犢流多變村酒經蠶味

可憐曾約道門終老

一作却

住步虛聲裏寄閒眠

贈歌者

一字新聲一顆珠
轉喉疑是擊珊瑚
聽時坐部音中有
唱後櫻花葉裏無
漢浦茂間虛解佩
臨邛焉用枉當壚

誰人得向青樓宿便是仙郎不是夫

一作虛

舞者

綠毛釵動小相思一唱南軒日午時
慢鞞輕裾行欲近待調諸曲起來遲
筵停七筋無非聽吻帶宮商盡是詞
為問傾城年幾許更勝瓊樹是瓊枝

天際識歸舟

斜日滿江樓天涯照背流
同人在何處遠目認孤舟
帆省當時席歌聞舊日
謳人浮津濟晚櫂倚
次寥秋晴澗

忻全見歸遲怪久遊離居意無限貪此望難休

和曹侍御除夜有懷

有病無媒客多慵亦太疎自憐成叔夜誰與薦相如嗜
退思年老諳空笑歲除跡間過寺宿頭煖近階梳春立
窮冬後陽生舊物初葉多庭不掃根在逕新鋤田事終
歸彼心情倦老於斲材須見像藏劍豈為魚效淺慙尹
祿恩多負辟書疇知必擬共勿使浪躊躇

華清宮和杜舍人

一作張祐詩
一作趙嘏詩

五十年天子離宮仰峻

一作舊粉

牆登封時正泰御宇日何

一作初

長上位先名實中興事憲章起

一作舉

戎輕甲冑餘

地復

一作取

河湟道降玄元祖儒封孔子王因緣百司著

聚會一人湯渭水波搖綠秦山

一作郊

草半黃馬馴金勒

細鷹健玉鈴鏘

一作馬頭間夜照鷹眼利星芒

下箭朱方滿鳴鞭皓腕

攘畋思獲呂望諫祇避周昌免迹貪前逐臬心不早防

幾添鸚鵡勸先

一作頻

賜荔枝嘗月鎖千門靜天吹

一作高

一笛涼細音搖羽佩輕步宛霓裳禍亂基

一作根

潛結昇

平意遽忘衣冠逃虎穴
鼙鼓動漁陽外戚心
殊迫中原

事可量血

一作雪

埋妃子豔

一作貌

刃斷祿兒腸
近侍煙塵

隔前蹤輦路荒
益知迷寵佞遺

一作唯

恨喪賢

一作忠

良北

闕尊明主南宮遜
上皇禁清餘鳳吹
池冷睡

一作映

龍光

祝壽山猶在
流年水共傷
杜鵑魂厭蜀
蝴蝶夢悲莊
雀

卵遺雕拱
蟲絲罨畫梁
紫苔侵壁潤
紅樹閉門芳
守吏

齊駕瓦耕民
得翠璫
登年

一作歡康

昔醮

一作時

樂講武
舊兵

場暮

一作春

草深巖翠

一作靄

幽花墜
逕香不堪
垂白叟行

折御溝楊

送浙東王大夫

天爵擅忠貞，皇恩復寵榮。
遠源過晉史，甲族本維筮。
亞相兼尤美，周行歷盡清。
制除天近曉，衙謝草初生。
賓客招間地，戎裝擁上京。
九街一作衙鳴玉勒，一宅照紅旌。
細

雨當離席，遙花顯去程。
佩刀畿甸色，歌吹館橋聲。
驟裏從秦賜，餘艗到汴迎。
步沙逢霽月，宿岸致嚴更。
渤海流東鄙，天台壓屬城。
衆談稱重鎮，公意念疲氓。
井邑曾多

難瘡痍此未平察應均賦斂逃必復桑耕隼重權兼帥

鬪雄設有兵越臺隨厚俸刻磔得尤名

近相傳擣熟紙名磔

夜蠟

一作獵

州中宴春風部外行香奩扇鳳詔朱篆動一作龍

坑報後功何患投虛論素精徵還真指掌感激自關一作

間情舊業懷昏作微班負旦評空餘騷雅事千古傲劉

楨

送李殷遊京西

立馬送君地黯然愁到身萬途皆有匠六義獨無人莫

怪敢言一作言如此已能甘世貧時來貴亦在事是掩何因

投刺皆羈旅遊邊更苦辛岐山終蜀境涇水復蠻塵埋

沒飡須強炎蒸一作涼醉莫頻俗徒欺合得吾道死終新

展分先難許論詩永共親歸京稍作意充斥犯西鄰

長安送友人之黔一作湖南

衡嶽猶云過君家獨幾千心從賤遊話分向禁城偏陸
路終何處三湘在素船琴書去迢遞星路照潺湲臺鏡
簪秋晚盤蔬飯雨天同文到鄉盡殊國共行連後會應

多日歸程自一年貧交永無忘孤進合相憐

寄李頻

長安千萬溪迷者自多迷直性身難達良時日易低環
簷消舊雪晴氣滿春泥那得同君去逢峰苦愛齊

贈苗端公二首

繁總近何如君才必有餘身歡步兵酒吏寫魯連書坐
默聞聲吹庭班見雪初沈碑若果去一為訪鄰居

至老不相疎斯言不是虛兩心宜一體同舍又鄰居曉

角秋砧外清雲白月初從軍何有用未造魯連書

寄河南鄭侍郎

一作郎中

三峽

一作二峽

與三壕門闌夢去勞細冰和洛水初雪灑嵩

高大雅何由接微榮亦已逃寒窗不可寐風地葉蕭騷

蒙恩除侍御史行次華州寄蔣相

林下天書起遁逃不堪移疾入塵勞黃河近岸陰風急
仙掌臨關旭日高行野衆喧聞鴈發宿亭孤寂有狼嗥
荀家位極兼禪理應笑埋輪著所操

寄唐州楊郎中

關雎憔悴一儒生，忽把魚鬚事聖明。
貧得俸錢還乍喜，晚登朝序却無榮。
前年坐蜀同樽俎，此日邊淮獨旆旌。
班列道孤君不見，曲江春暖共僧行。

塞上蒙汝州任中丞寄書

三省推賢兩掖才，關東深許稍遲迴。
舟浮汝水通淮去，雨出嵩峯到郡來。
投札轉京憂不遠，枉緘經虜喜初開。
西樓一望知無極，更與何人把酒杯。

題鹽鐵李尚書滄州別業

鹿原陰面滄州湄坐覺林泉逼夢思
閒景院開花落後濕香風好雨來時
鄰鷺麥野聞雛雉別創茅亭住老師
備足好中還有闕許昌軍裏李陵詩

御定全唐詩卷五百五十九